

辛未一九九一年

錦山文社二十屆春禊

慶曆居執文輯錄



編後語

順德何竹平書於辛未詩人節前

讀編行堂詩部澹歸禪師贈項子聚『已從墨寶思前輩、還見書城擁後昆。』有無限追尋與展望之意。則本篇之輯蓋以本社歷南天竺寺、而隱廬、而雲泉仙館、而北潭渡假營、雖三易其地猶一貫其衷、禮循洛邑、韻步蘭亭、忽忽二十屆於茲矣。其間之詩酒風花、調朱飛墨、要皆足以揚一時之勝會、作千載之流傳、誠非妄自尊大。乃自乙卯年始、輯有藝文集之舉、以資互閱流傳、歷屆皆仗陳翁伯祺社丈獨肩其任、然後能濟其事、克奏其功。惟歲月催人、翁雖老而彌健、因力辭本屆之編纂、坐居指點。而泰階社丈、亦以年高而告引退。愚以菲材、勉步後塵之餘、謬有以二十屆爲本社年開弱冠之期、道達里程之日、乃不忖淺陋、將自第一屆起彙成總集、通而貫之。幸而首二三屆尚有手鈔卷之紀錄可稽、亦良賴鏗齋社盟之庋藏有方、未爲蟲蛀、惟美中不足者、詩文之外、獨闕繪事之載、遙想當年與會、豈乏荆關崔鄭之輩哉。然第一屆以三十九人而成詩數二十有七、可謂之能爲之先、彰其美矣。由是歷屆遞增、觴詠日盛、一時耆英閨秀、固滿芳園、而遠自北美、澳洲、中國各地、亦每遙寄佳章、增添雅興。歷數成詩、成詞、成賦、成序、成記、成頌、成聯語、成書法、成圖畫者、不是前輩墨寶、便猶後昆傑構、不可勝數。惜限夫篇幅、所載多是略而不詳、況剗剛之中、更恐魚魯亥豕之處不少、所望海內外文藝先進、有以正之、以匡未逮、幸甚幸甚。竣事之日、猶獨以蛻老子成二人、未及之見、緬懷疇昔、則有臨風唏噓而無限人琴之感耳。

出版者：錦山文社同人。

出版日期：公元一九九一年歲辛未秋月初版一千冊、非賣品、歡迎複印。

承印者：力迅印刷有限公司 九龍觀塘道觀塘工業中心第三期③字樓W/A電話：七九七三六六一

